



Broj: 01-1211-1/25
Sarajevo, 6. 10. 2025. godine

Na osnovu člana 69. stav 1. tačka a) i o) u vezi sa članom 106. Zakona o visokom obrazovanju Kantona Sarajevo ("Službene novine Kantona Sarajevo", br. 36/22), člana 111. Statuta Univerziteta u Sarajevu, broj: 01-14-35-1/23 od 26. 7. 2023. godine, u skladu Konkursom za upis studenata na II ciklus studija na Univerzitetu u Sarajevu-Pravnom fakultetu u studijskoj 2025/2026. godini, na temelju Izvještaja Komisije br. 01-1211/25 od 6. 10. 2025. godine, Vijeće Pravnog fakulteta Univerziteta u Sarajevu na 97. vanrednoj (elektronskoj) na sjednici održanoj 6. 10. 2025. godine, donosi sljedeću

ODLUKU

I

Usvaja se Izvještaj Komisije za upis studenata na II ciklus studija o rezultatima konkursa za prijem studenata na II ciklusa studija u studijskoj 2025/2026. godini, sa prijedlogom konačne rang liste.

II

Komisija je utvrdila da na preliminarnu rang listu u predviđenom roku nije pristigao niti jedan prigovor.

III

Komisija konstatuje da se na Konkurs prijavio ukupno **365** kandidat/kinja na sljedeće smjerove:

- **Međunarodno-pravni smjer** (Katedra za državno i međunarodno javno pravo) – **78** kandidata/kinja, a primljeno je **18** i to po statusima: **redovnih 5, redovnih samofinansirajućih 3 i vanrednih 10;**
- **Krivično-pravni smjer** (Katedra krivičnog prava) – **96** kandidata/kinja, a primljeno je **32** i to po statusima: **redovnih 7, redovnih samofinansirajućih 12 i vanrednih 13.** Na krivičnopravnom smjeru lista je proširena za kandidata/kinje iz država nastalih raspadom SFRJ, za kandidate/kinje iz posebnih kategorija i za kandidat/kinje koji imaju isti ukupan broj bodova;
- **Smjer Arbitraža i alternativno rješavanje sporova** (Katedra građanskog prava) – **76** kandidata/kinja, a primljeno je **17** i to po statusima: **redovnih 5, redovnih samofinansirajućih 0 i vanrednih 12.** Na smjeru Arbitraža i alternativno rješavanje sporova lista je proširena za kandidata/kinje iz država nastalih raspadom SFRJ i kandidate/kinje s istim ukupnim brojem bodova;
- **Pravno-ekonomski smjer** (Katedra pravno-ekonomskih nauka) – **60** kandidata/kinja, a primljeno je **16** i to po statusima: **redovnih 5, redovnih samofinansirajućih 1 i vanrednih 10;**
- **Komparativno-pravni smjer** (Katedra za pravnu historiju i komparativno pravo) – **55** kandidata/kinja, a primljeno je **16** i to po statusima: **redovnih 5, redovnih samofinansirajućih 11.**



IV

Odluka stupa na snagu danom donošenja.

DEKANICA

Prof. dr. Zinka Grbo



Akt obradio: Haris Starhonić, BA iur., sekretar Fakulteta

Akt odobrila: prof. dr. Zinka Grbo, dekanica Fakulteta

DOSTAVITI:

- Komisija za upis na II ciklus studija (n/r predsjednika)
- Služba za nastavu II i III ciklusa studija
- arhiva

Sekretar Univerziteta u Sarajevu - Pravnog fakulteta potvrđuje da je prijedlog Odluke u skladu sa zakonskim i podzakonskim propisima koji su na snazi, te da je Vijeće Univerziteta u Sarajevu- Pravnog fakulteta nadležno za donošenje odluke shodno članu 69. Zakona o visokom obrazovanju („Službene novine Kantona Sarajevo“, broj 36/22 i 28/25).

Broj: 01-1235/125
Sarajevo, 6. 10. 2025. godine

Na osnovu člana 69. Zakona o visokom obrazovanju („Službene novine Kantona Sarajevo“ broj: 36/22), člana 111. Statuta Univerziteta u Sarajevu u vezi sa članom 197. Statuta Univerziteta u Sarajevu, broj 01-14-35-1/23 od 26. 7. 2023. godine, člana 37. Pravila studiranja za prvi i drugi ciklus studija, integrisani, stručni i specijalistički studiji na Univerzitetu u Sarajevu, broj: 01-15-24-1/23 od 27. 9. 2023. godine, Vijeće Pravnog fakulteta Univerziteta u Sarajevu na 97. vanrednoj (elektronskoj) na sjednici održanoj 6. 10. 2025. godine, donosi

ODLUKU

o uslovima prelaska i nastavka studija na Pravnom fakultetu Univerziteta u Sarajevu sa drugih članica Univerziteta u Sarajevu i drugih visokoškolskih ustanova

I

Utvrđuju se uslovi prelaska i nastavka studija na Pravnom fakultetu Univerziteta u Sarajevu sa drugih članica Univerziteta u Sarajevu i drugih visokoškolskih ustanova kako slijedi:

1. Visokoškolska ustanova sa koje student/ica prelazi mora imati završen postupak institucionalne akreditacije.
2. Studenti/ice sa drugih članica i drugih univerziteta u Bosni i Hercegovini ili inostranstvu mogu preći i nastaviti studij na Pravnom fakultetu Univerziteta u Sarajevu samo ukoliko je studij na drugoj članici ili drugom univerzitetu u Bosni i Hercegovini srodan studijskom programu na Pravnom fakultetu Univerzitetu u Sarajevu.
3. Zahtjev za prelazak i upis iz stava 2. ove Odluke student podnosi najkasnije do 15. septembra za upis u narednu akademsku godinu. Uz zahtjev prilaže sljedeću dokumentaciju: uvjerenje o prepisu ocjena, nastavni plan i program, te drugu dokumentaciju po zahtjevu članice. Ukoliko student u zahtjevu ne traži priznavanje do sada ostvarenih rezultata, podnosi samo Zahtjev za prelazak.
4. U slučaju prelaska na Pravni fakultet Univerziteta u Sarajevu sa druge članice ili drugog univerziteta u Bosni i Hercegovini koji je srodan studijskom programu na Pravnom fakultetu Univerziteta u Sarajevu, a u kojem slučaju se traži priznavanje do tada ostvarenih rezultata, Komisija za ekvivalenciju položenih ispita ispituje usklađenost nastavnih planova i programa, utvrđuje činjenice i okolnosti bitne za određivanje prijedloga o ekvivalenciji te utvrđuje činjenice i okolnosti bitne za polaganja razlike predmeta, a sve u skladu sa odredbama Zakona o visokom obrazovanju, Statutom Univerziteta Sarajevu te Pravilnika o ekvivalenciji položenih ispita na Univerzitetu u Sarajevu.
5. Odluku o prelasku studenata sa drugih univerziteta/članica, gdje se u zahtjevu studenta traži priznavanje do tada ostvarenih rezultata, na osnovu Izvještaja Komisije iz stava 4. ove Odluke, donosi dekanica Fakulteta, uz prethodnu saglasnost sekretara Fakulteta.

II

Odluka stupa na snagu danom donošenja.



O b r a z l o ž e n j e


Odredbom člana 197. stav 3. i 4. Statuta Univerziteta u Sarajevu, propisano je da Vijeće članice svojim općim aktom utvrđuje uvjete koje studenti moraju zadovoljiti da bi nastavili studij na toj članici te da Odluku o prelasku studenata sa drugih univerziteta/članica donosi dekan članice pod uvjetima utvrđenim općim aktom iz stava (3) ovog člana.

Shodno navedenom donesena je Odluka kao u dispozitivu.

DEKANICA


Prof. dr. Zinka Grbo



Akt obradio: Haris Starhonić, BA iur., sekretar Fakulteta 

Akt odobrila: prof. dr. Zinka Grbo, dekanica Fakulteta

DOSTAVITI:

- Službi za nastavu
- Komisiji za ekvivalenciju položenih ispita
- Arhiva

Sekretar Univerziteta u Sarajevu - Pravnog fakulteta potvrđuje da je prijedlog Odluke u skladu sa zakonskim i podzakonskim propisima koji su na snazi, te da je Vijeće Univerziteta u Sarajevu- Pravnog fakulteta nadležno za donošenje odluke shodno članu 69. Zakona o visokom obrazovanju („Službene novine Kantona Sarajevo“, broj 36/22 i 28/25). 